

Se mottakerliste nederst i dokumentet

Vår sakshandsamar
Merete Støfring
+47 95 94 74 37

Vår dato
23.05.2023
Dykkar dato

Vår referanse
23/00424-2
Dykkar referanse

Endring i konservesordninga for bær

Vi syner til motteken e-post der de gjer oss merksame på at Landbruks- og Matdepartementet har sendt sak som vedkjem «Endring i konservesordningen for bær til bearbeiding» på høyring med svært kort svarfrist.

Vi vil også peike på setning på side 3 i høyringsbrevet der det står følgjande: *Det ble samtidig understreket at dette ville kreve grundige utredninger, og dersom det skulle bli aktuelt å endre innretningen av ordningen ville dette kreve en ny offentlig høring for å sikre at alle berørte parter kan ivareta sine interesser.*

Vi stiller oss undrande til om det er gjort grundige nok utgreiingar av konsekvensane av stadig høgare tollfrie kvotar. Høyringsfristen er i tillegg svært kort.

Tosidig mål for ordninga

Vi vil minne om bakgrunn og mål for ordninga som er tosidig:

- 1) Legge til rette for norsk råvareproduksjon
- 2) Sikre industrien si konkurransekraft mot importerte ferdigvarer

Grøntutvalet med medlemer frå Møre og Romsdal Bondelag og Vestland Bondelag har drøfta saka i møte den 25. mai. Vi meiner at dei endringane som blir foreslått i ordninga, vil bidra til å undergrave økonomien ytterlegare i ein råvareproduksjon som allereie er hardt økonomisk pressa. For å kunne få til ein auka norsk råvareproduksjon av industribær er det trøng for ei kraftig styrking av økonomien innan denne produksjonen.

Auka tollfrie kvotar legg press på økonomien i den norske produksjonen

Konservesindustrien pressar økonomien i den norske produksjonen gjennom stadig aukande import av bær utan toll, og har i prisforhandlingane ikkje synt tilstrekkeleg vilje til å ta inn over seg kostnadsauken i den norske produksjonen. Grepet i jordbruksforhandlingane med tilskot til industribær er eit steg i rett lei, men industrien må også bidra til å sikre norske råvarer av jordbær og bringebær til konserves.

Trøngen for styrking av dette tilskotet vert ikkje mindre om det no vert opna opp for endå meir tollfri import. Større tollfrie kvotar med rimelegare importbær vil også bli eit argument for industrien om å halde prisene på norske råvarer nede. Slik vil den føreslegne endringa bidra til å undergrave produksjonen av industribær i Noreg.

Både bringebær og jordbær har eit relativt kort tidsløp frå planting til produksjon, og med utsikter til betra økonomi kan dei norske produksjonsmiljøa omstille seg raskt, slik at vi får aukande volum.

Prognoser som produksjonsmål

Å nytte prognosar som eit produksjonsmål for norsk produksjon er vi skeptiske til. Det er mange faktorar som kan påverke volum av bær til industrien, sjølv innan ein kort tidshorisont på eitt år. I høyningsbrevet står det til dømes at forventa produksjon av jordbær til industri ligg mellom 230 og 310 tonn i 2023 medan det for bringebær ligg mellom 500-650 tonn. Om det skulle verte endring i ordning er det avgjerande at det er det høgaste talet for norsk produksjon som vert lagt til grunn, slik at ein minimerer moglegheit for eit overskot av norske bær som industrien ikkje tek unna.

Med venleg helsing

Elektronisk godkjent, utan underskrift

*Kari Sigrun Lysne,
leiar Grøntutvalet for Vestlandet*

Merete Støfring

Mottaker	Kontaktperson	Adresse	Post
Næringspolitisk	Per Harald Agerup	Postboks 9354 Grønland	0135 OSLO
Næringspolitisk	Hildegunn Gjengedal	Postboks 9354 Grønland	0135 OSLO